



句曲外史集補遺目錄

卷上

五言古詩

古詩十首

獨酌

天池石壁為鐵雅賦

遊虎丘次東坡先生韻

次倪元鎮遊虎丘

答寄筍蔬



句曲外史集

補遺目

卷上

冬夜震澤風雪異常

上方教寺

贈倪元鎮

夕佳樓

過太湖

毛公壇

黃公泉

華山寺三泉

七言古詩

奔月卮歌答鐵雅所作

古詩長短句

悼薛玄卿

玉笙謠為鐵門笙伶周奇賦

七言律詩

奉贈魯學士

鳳皇山懷古

題西湖何氏隱真館

次孫大方仙輿詩韵

送人之茅山

題桐栢觀

鶴冢

雨懷郭子昭御史

寄倪元鎮

次韻元鎮

懷茅山

題元章硯山圖

梅雪齋雅集分題得酒香

折蓮花寄韓伯清

水竹居爲湖州沈自誠賦

次韻答吳興黃伯成

過吳興謁趙承旨

松花餅

贈別休休菴子堂上人

宿瑪瑙寺

寄訢笑隱

大滌山

丹泉

天池樓

牧之水榭

同張德常遊張公洞

題趙松雪怡樂堂圖

馬塍新居

西湖放燈

雲巢樓

五言絕句

箇山

羅姑洞

霞架海

鶴臺

桐華源

玄洲精舍

紫軒

火浣壇

隱居松

玉像龕

七言絕句

題拜石圖

來鶴亭

來鶴亭卽席賦

題鶴亭所藏馬圖

茗溪草堂

吳興道中四首

湖州竹枝詞

鯉魚

題授經郎獻書圖

次韻劉師魯吳山清暉亭三首

初陽臺

西湖竹枝詞

贈筆生沈君實

揭學士過武康山中十日辭外史江東未

至孤坐予因戲筆破悶二首

卷十 宿天申宮二首

卷下

記

後僕夫泉記

約

春日遊南山約

像贊

戲題黃大癡小像

題画

題顧善夫集十大家画

附

五言古詩

七月六日承貞居先生遠寄周鍾銑間有
文象鳧之形則考工記所謂鳧氏為鍾者
也擊之與夷則合而是日又適立秋古物
之來豈偶然哉輒成小詩拜貺之辱

趙孟頫

七言律詩

題張外史馬騰新居

中秋對月時張外史有約以醉不赴

張翥

和張外史山居雪霽

張翥

宿張外史馬塋新居

薩都刺

夢張天雨

薩都刺

寄句曲外史張伯雨

虞集

寄貞居張先生

虞集

送錢塘張天雨入茅山二首

虞集

和答張伯雨

范梈

過伯雨會無外式公劉君衍卿

黃潛

次韻伯雨臘月八日雪中同登來鶴亭

黃潛

送張外史歸華陽

楊載

追和張外史山居雪霽

俞友仁

伯雨書老杜花逕不曾緣客掃之句使童

子持以示略不運思成詩

野僧

寄贈華陽洞陽隱者

袁桷

暮春計籌山寄句曲山人

黃石翁

悼句曲外史

楊維禎

玄文館送張伯雨鍊師歸三茅

柳道傳

用韻重送

柳道傳

題張光弼選伯雨詩

高德場

題張伯雨初陽臺唱和卷

釋守仁

拜句曲外史墓二首

姚綬

與張伯雨湖堤算歸

吳養浩

題張伯雨來鶴亭

虞集

文

崇壽觀碑

虞集

師友集序

黃潛

張外史馬塍菌閣記

陳旅

句曲外史集錄序

姚綬

外史張公墓碑銘

姚綬

句曲外史集

附

句曲外史集補遺卷上

錢塘張雨伯雨

句曲外史集補遺卷上

錢塘張雨伯雨

古詩十首

不愛崑岡玉不愛江漢珠
愛已有蒼璧有之利有
餘吾生為我有其利當何如
論爵不足貴論富不
能踰達生命之情順生以自娛

又

荆人有遺弓索之將奚為
且荆人遺之乃荆人得
之孔子聞之曰去其荆可耳
老聃聞則曰去其人

可矣天下有至公孔明得其理天地且弗有莫知其所始

又

墨子歎染絲所歎一何長染於蒼則蒼染於黃則黃奚獨染絲然染國在所當有染如伊臯禹湯稱聖王殷紂染惡來既染國亦亡染士如孔明死久道彌光

又

魯君聘顏闔踰垣避使者我非惡富貴君胡獨不

捨全生以爲上迫生以爲下當知得道人治國其土苴

又

虞人百里奚所鬻五羊皮有得其說者乃是公孫枝獻諸秦穆公四境不足治賢者倘不遇後世誰當知

又

昔者齊桓公往見小臣稷一日凡三至欲見且弗得驚爵固輕主驚霸亦輕士大夫縱驚爵驚霸吾

敢爾所以終見之不爲從者止誰云內行缺論霸亦可矣

又

桓公遇甯戚飯牛中夜起賜之以衣冠一說境內理再說爲天下桓公以師事衛與齊不遠安用疑客子不患有小惡所患亡大美且人固難全用長當若此

又

業煩則無功禮煩則不莊令苛則不聽禁多則不

行國人逐狡兔因之殺子陽嚴刑無所赦適見召亂亡

又

齊有善相狗假買取鼠者數年不取鼠畜之不如捨相曰實良狗志在虜塵鹿欲觀取鼠能請桎其後足桎足乃取鼠淹爾驥瘁氣安得忘言徒喻此鴻鵠志

又

燕雀爭善處處在大屋下妯娌甚相樂子母得相

哺一朝竈突決火炎屋棟燬燕雀色不變不知禍
及已人臣私聚斂逃國壞綱紀孰謂斯人智不如
燕雀耳

獨酌

靜極忽不愜掩書曝前軒榮木焚四維時禽托孤
園羣物方趨功吾衷恒晏然本乏超世才偶脫區
中緣妙理寄濁醪嘉名愛靈仙從吾所好耳富貴
須何年

天池石壁爲鐵雅賦

嘗讀枕中記華山閔中吳神泉發其顛青壁繚其
隅春風四山來羣綠互紛扶羽觴曲折行浮花與
之俱採珠拳薜荔洗玉弄芙蓉聲叟頗好名石窪
作魚湖鴻乙志草堂挑烟遂成圖而此滌煩磯閱
世如携蒲發興雲林子盥手與我摹居然縮地法
挈入壺公壺

遊虎丘次東坡先生韻

日出東海頭虎氣踞茲嶺渴心望氣往解后轆轤
井寧若軍中拜奔泉酌老耿莽丘專鬼物陰壑雜

蛇黽魚腸卧池底百鍊豈重礦以問神物化後日
屬吳猛怪蟒旣血刃大道孰爭騁我行須人扶鳩
杖慚祝哽小吳不滿眼坐納三萬頃化國方日長
霸業久灰冷淞水翰歸吳遇溪柳遷永吾非斯人
儔短句惜流景茶烟寄禪榻弄我鬢絲影散人初
無號奚必煩上請

次倪元鎮遊虎丘

振屐稍踐危援藤遂支滑尚餘金玉氣山川相應
發沼吳不滿眼軒中樹如髮花覆闔閭城石繞生

公榻適與幽人携及茲暮春月坐久得忘言移鞍
蔭清樾

答寄筍蔬

遠寄玉山篇來自故人廬竹萌且柔弱荻筍亦豐
腴薑醯助芳辛濁醪爲前驅猪肝恐累人我亦仲
叔徒念此風雨中江外致嘉蔬東詩答幽意老饕
良可吁

冬夜震澤風雪異常
晴燠不可恃一夕冬令變屢忘和煦恩惟日祈寒

怨老屋雪沒隙廣澤風肆便反覆鼓洪濤揚簸塞
荒塹隱然洞庭樂勇盛闔閭戰萬物芻狗如埋沒
加蹂踐凌晨枉嚴沍野日復葱蒨仁哉天地心觀
復斯可見
上方教寺
橘林千黃金林靜路逾僻忽臨消夏灣雲海浩如
積綺季不可追空餘騏驥跡

贈倪元鎮

龐公有名言魚鳥托棲止而其遺子孫亦在安而

已子有丘壑趣文弱與時背強梁方蛇吞貪贖亦
虎噬何以犯多難適爲田業累深泥沒老象自拔
須勇志連環將誰解旦暮迭興廢所以明哲徒置
身興廢外賢哉蘧伯玉知非復何悔

夕佳樓

西山朝氣爽南山夕氣佳朝爽人共忻夕佳吾所
懷山僧閱世久結廬深避乖蕙樓將對峙菌閣亦
雙排維南列崇阜不受烟嵐霾我亦遲算人心迹
倦鳥偕茲焉記高躅庶與靜者諧

過太湖

漁瀟魚龍戲僻側鳧雁宿併吞三萬頃寧不為小
曲唯應鷗夷子曾泊西山麓

毛公壇

方壇蔭奇竹儼彼毛骨秀想見黃眉公時來濯水
溜一往不可得尚問何日又

黃公泉

黃公鍊藥處遺井茲丘上何年一泓碧褒博照容
狀不意樵者歌猶聞紫芝唱

華山寺三泉

寺以華山名一靈泉瀉會昌舊文字毀壁存牖
下往劫蓮花開曷以信來者

競社明珠奔入月脫殼政似風蟬潔漁網出之不

敢視滌盡含沙光不滅文昌四星吞在腹一一金

晶大如菽屢物還來作飲器日夜雄雌繞林屋一

扇桃核寬有餘半葉焦心卷未舒飲非其人躍如

水怪雨盲風生坐隅置之天上白玉盤斗柄挹酒

長闌干李白跳下鯨魚背持勸我飲相交歡幽宮
馮夷爲予泣酌盡海水百怪出還我平生老蚌胎
許君醉卧鮫人室

悼薛玄卿

玄卿難再得本是餐霞人高懷獨超物洞鑿亦絕
倫君自江東我吳下早歲聯翩侍金馬御榻賜書
凡一束仙苑偷桃動盈把紫虛元君之玉訣青城
先生教我者感君多道氣探懷爲君寫學士承旨
平原公許我與君揚同一時標名兩外史羽衣

白茅立下風我還句曲廿餘載君乘輶軒歷烟海
歸錦橋西結草樓樓中袂被長相待風烟山水共
追尋福臨洞口話離心年深書字化爲碧白首蒼
茫成古今聖井山崩數千尺君從羣龍去無迹困
頓鹽車篠嶺頭此日思君復何益

玉笙謠爲鐵門笙伶周奇賦

我有紫霞想愛聞白玉笙縣匏比竹無靈氣昆丘
採此十二莖鳳味銜明珠鳳翼排素翎金華周郎
妙宮徵子晉僊人初教成月下吹參差羣鷓亦和

鳴緱氏山頭白雲起七月七日來相迎長謝時人
一揮手漂下滿空鸞鶴聲

奉贈魯學士

閣道如珠環太極天風浩蕩曳天裾雲行龍尾隨
金仗日照螭頭侍玉除四海聲華周典禮一時人
物魯璠璣願臻咸際無爲化寧讀人間非聖書

鳳皇山懷古

江右夷吾浪得名豫州英槩亦沉冥夕陽枯木山
如赭秋雨荒臺草自青漢苑玉魚誰復葬昭陵石

馬亦無靈可憐白髮商人婦猶向燈前話後庭

題西湖何氏隱真館

雞犬雲中豹一斑路隣仙冢昔躋攀說經僧去黃
龍卧負藥童歸白鶴閑酒仰秫田陶令宅井分丹
水葛洪山不因草結昭臺約此地從知幾往還

次孫大方仙輿詩韻

仙仗來時瑞霧屯真人玉女侍靈軒亭亭珠穗香
烟直爛爛樽桑玉色溫華雨掃塵鸞帚溼島雲承
襪屨樓昏至今星斗天壇夜望拜青都虎豹門

送人之茅山
桃竹齊眉草履柔
江雲溼重木綿裘
茅山一去五
百里楚月相望
十二樓林下甌
香黃獨月松根
鉏冷茯苓秋藥
瓢料得歸來滿
多病微軀我亦
求

題桐栢觀

百折丹梯杪萬松
鳳笙臺殿赤城鍾
親從海上求司馬
寧復山中起卧龍
瓊闕排雲窺坐席
銀橋乘月認仙蹤
真人及此東行日
笑說盧敖向九峰

鶴冢

鶴壽千年定有無
羽衣蟬蛻雪模糊
樵人與叟玄黃帔
少保親傳粉墨圖
坯土未乾青草短
三山何在白雲孤
夜寒蕙帳應岑寂
初向華嵩覓鳳雛

雨懷郭子昭御史

洞天霾雲晝不開
大茅南面水縈迴
深山此日蛟龍喜
舊雨故人驄馬來
礪道浮槎高寄樹
石幢陰篆溼生苔
銷愁底用金陵酒
贖引窪尊枕瀑雷

寄倪元鎮

雨天初寒雪復作
春風相欺何太顛
誰依井竈皆

獸迹獨擁書冊猶鳶肩枸杞埋根乍難斲櫻桃放
花殊可憐賀監宅前舊遊處快放桺條維酒船

次韻元鎮

衣桁常容蛛網懸石床渾讓女蘿牽道術何煩孔
郎祀屋廬政用却超錢泉崩澗底歸樵路雨壓厨
頭蒸木烟誰見西鄰折書後一枝風竹鶉鳩眠

懷茅山

我有草堂南洞門常時行坐虎同羣丹光出林掩
明月玉氣上天爲白雲遙憶田泉洗蒼木更思陶

澗采香芹歸來閉戶償高卧莫遣人書白練裙

題元章研山圖

南宮米老書無敵同盟亦有薛河東研山自昔懷
清賞石友令人拜下風華蓋天壇承露潔月巖空
洞與天通絕怜古學龜城叟一一題詩取次工

梅雪齋雅集分題得酒香

醲郁芬香味更嚴甕間飄滿讀書簾絕勝金鴨薰
花氣錯認山蜂釀蜜甜三嗅初令消渴止一中定
掃宿醒淹醉翁鼻觀還親切不待狂僧寫布帘

折蓮花寄韓伯清

丈八河溝錦作堆一花初照夜明苔濯纓歌向滄
浪去執蓋郎從碧落來天水染雲如淨練露盤食
玉似空杯韓家公子多才思乞與香奩相對開

水竹居爲湖州沈自誠賦

我愛茗溪溪上居琅玕千箇繞吾廬早知竹葉仙
舟夢合誤榴皮醉墨書屋底煖雲蒸汗簡月中清
露滴方諸鄰家已訂浮家約乞我長竿學釣魚

次韻答吳興黃伯成

行盡松陰黃葉株三义路口問茆廬青山對語惟
捫蝨落日催歸獨跨驢土木形骸嵇叔夜波瀾文
字木玄虛殘年記得相存問莫道天寒無鯉魚

過吳興謁趙承旨

兩岸人家洲渚生滿城山色與溪聲船過鷗邊掠
浮玉雲移木末見飛英書淫回聖王孫老雪霽沙
晴湖水清洞經不用鷺羣換也許山陰道士迎

松花餅

怪來粧妝作鷺黃渾是蒼髯九粒香甜味中邊唯

食蜜苦心早晚待休糧
仙人騏驎畱看取道士嵩
陽遠寄將笑比紅綾春
餽巧齒牙根底嚼糖霜

贈別休休菴了堂上人

老僧十年不出戶
袈裟搭架風披披
祖衣畱在阿蘭若
佛法傳過高白麗
客床雪鍊一甌茗
經藏苔昏三尺碑
不向舊房看
嫗蓋卷中原有古松枝

宿瑪瑙寺

一宿葛洪丹井上
化爲蝴蝶夢魂清
湖田涼蛤四散吠
烟寺曉鍾相遞鳴
孤嶼橫陳爲玉几
初陽煥

爛似霞城擎舟又入水
雲去還我風篁雪竇聲

山舍寄訢笑隱

繡經臺畔惜分携
華蓋峰前幾夢思
一席地分眠鹿草
三更月在掛猿枝
我書安能半袁豹
君才端倍十曹丕
上番畫逢虞祕監
不嫌頻竄仰山碑

東望大滌山

此峰屹立浩無前
信是人間別有天
銅柱何煩天北際
蓬山寧在海東邊
采樵巨箬多無骨
搗藥靈禽或是僊
老我不能爲狡獪
峰頭看月幾回圓

涵渟萬象一泓中欲探靈源未易窮丹竅久埋泉
眼赤珊瑚長浸石頭紅許來水味羞楊子收取沙
床贈葛洪一醉流霞三萬日年年分給羽人宮

天池樓

天池一樓小如架繫出半天天雨華山圍丈石獅
子座寺屬三朝母后家時呼白猿聽奇句亦許飛
仙食紫霞我來把斷朗風口只畱床角置袈裟

牧之水榭

有序

杜樊川水榭在義興東郭宋紹興間卽其
地創招提今廣福精舍是矣僧古田築屋
幽人餘三間仍以水榭名牧之寄許侍御詩有云
塵意迷今古雲情識卷舒他年雪中棹陽
羨訪吾廬刻石爲山中故事古田諸孫易
道上人從予游求爲賦詩往題其處好事
來續未艾也

愛此招提絕世氛何因水榭得名聞幽篁嘉木知
誰共塵意雲情若箇分陽羨溪頭黃葉路晚晴賦

裏白鷗羣詩僧文采居然別解道曾畱杜使君

同張德常遊張公洞

騎入秋雲罨畫間日出洞靈猶啓關東皇衣覆雲
霧海玉女盆盛人鳥山牽驟步步踏石髓投龍往
往祝金環茅家小吏向塵土弭節相遲明當還

題趙松雪怡樂堂圖

幽人結屋傍江干怡樂名堂只數間黃鳥隔簾詩
夢醒紫鱗供饌釣舟還簷前景色春常在柳外柴
門晝不關誰識箇中真樂處陶然天地一身閑其

馬勝新居

浮家泛宅意何如玉室金堂計未疎歸錦橋邊停
舫子散花灘上作樓居澹然到處自鑿井玄晏閉
關方著書但得草堂貲便足人間何地不樵漁

西湖放燈

共泛蘭舟燈火鬧不知風露溼青冥如今池底休
鋪錦此夕槎頭直掛星爛若金蓮分夜炬空於雲
母隔秋屏却憐牛渚清狂甚苦欲燃犀走百靈

雲巢樓

初陽臺上白雲多雲裏層層玉樹歌棲息一枝綠
未穩飛翻千仞奈危何雨中幕燕雷驚起峰頂笙
鸞目送過好在丹梯無百尺屋頭看盡白鷗波雲
菌山公入閣不取風靈聖宮其峻峻峻
結茅依菌山焚香候芝蓋真靈幸憫我冠佩時來
會六香香出野草堂貴則風人間何賦不無然
羅姑洞事見真誥
蒼梧眇天末聞有綠毛仙却過華陽路人間九百
年洪湖海岳

蓋 霞架海

衆水會一壑天近發霞光晨興新沐竟晞髮向朝

陽 火宗登

見采真訥齋
林真人火師傳

盛 鶴臺

上有白鶴翔下有幽人居幽人道當成白鶴來不

虛 紫神

桐華源

伊誰植斯桐萋萋滿幽谷鳴鳳久不聞何當一來

宿

文鳳詩合

補遺卷上

玄洲精舍

梁周處士弘讓題
桓真人壁不別撰

子有鸞鶴想甘同麋鹿遊懸榻應待我分我半玄

洲

紫軒

林君已仙去紫軒名尚存丹光時或現鼎藥夜常

温

火浣壇

林真人火解事
見采真游篇

真陽以解形四大何足靳指窮以為薪火傳不知

盡

隱居松

真人在山日所至樹以松當知千載下遺子以清

風

向我玉像龕裏香春風

我有紫虛像白玉雕琢成貢之華陽天萬年斬降

靈

題拜石圖

一代清狂海嶽老世間簪紱更須論却怜种放樵

夫拜不到奇章宰相門

夫代來鶴亭章李時門
華表歸來舊令威曉風將夢上天飛
緱山借與浮丘伯一曲瑤笙月下歸

來鶴亭卽席賦

草堂孤鶴駐樊籠忽有鸞笙下碧空
待喚羽衣相向舞呂家園裏看春風

題鶴亭所藏馬圖

九霄天馬俱龍種四十萬蹄雲錦斑
一自漁陽鼙鼓後不知幾箇到驪山

茗溪草堂高崇隱芬

傳語幽人范叔豹霧隱何時窺一斑
天下草堂隨處取無此玉湖浮玉山

六頁吳興道中四首中

晴港陰厓乳犢眠涼風綠鬢颺縹烟
埋名慚愧蘆中老坐閱江湖逆順船

又

風捲灣碕半折蒲意行弄水不嫌迂
筆床正掠鷺羣過疑殺山陰染翰圖

眠溪大樹不見日牧鷺小兒兼釣魚南風相送玉
湖口舟子飯時吾讀書

又

扁舟偶趁采樵風題扇書裙莫惱公何處人間無
六月碧瀾堂上雨聲中

湖州竹枝詞

臨湖門外是儂家郎若閒時來喫茶黃土築墻茅
蓋屋門前一樹紫荊花

鯉魚

桃花鱖魚世常有尊菜鱸魚浪得名試喫江南鯉
魚尾侯家無此一杯羹

題授經郎獻書圖

侍書愛題博士画日日退朝書滿床奎章閣上觀
政要無人知有授經郎

次韻劉師魯吳山清暉亭三首

鳳去簫韶空隱隱鶴棲臺殿舊層層浮屠立盡千
秋雪誰倩風鈴說廢興

萬瓦連雲人世空一雞啼日海波紅欲窺倒影清
溟外故著危亭紫翠中

又

故山茅屋破仍欹惆悵西風日夜吹今日偶來高
處望嚴家亭上立多時

初陽臺

初陽臺上新亭好一曲笙簧石壁開驚起玄真狂
道士步虛飛下玉清臺

西湖竹枝詞

光堯內禪罷言兵幾番御舟湖上行東京鄰舍宋
大嫂就船猶得進魚羹

贈筆生沈君實

玉堂弄翰青錢選聞道吳興屢出奇何事君家苔
蘚壁醉仙畱句只樗皮

揭學士過武康山中十日辭外史江東未至

孤坐予因戲筆破悶二首

南鎮行香揭夫子歇馬走入計籌山杜尊師去白

石在翻動琳瑯翰墨間

又

一杯愛渠蒸蕨香
一槃勸我苦笋涼
飽食翻疑得
詩瘦不如頓頓地椒羊

宿天申宮二首

借渠靈壇一枝竹
穿雲度險不須扶
為尋石榻蘿
衣字執火照徧青珊瑚

又

藥苗松菌紅斑斑
點綴風烟俎豆間
籃輿三日半

醒醉春雲只戀銅官山

句曲外史集補遺卷上終

句曲外史集補遺卷中

上卷諸詩吳興閔康侯辛巳秋寄余續刻者偶讀架上元人集又得聯句一篇

學詩齋聯句

至正甲申蜡月望前二日句曲張外史天
雨自義吳還錢塘其老友某僑居因宿外
史于客棧時吳興郟韶九成亦在焉予舊
嘗喜與外史聯句是夜將為之而未得韶
作而言曰生以學詩名齋亦有志於溫柔
敦厚之教也儻二先生卽是為題生幸多

矣用一笑從其言詩將終而予怯寒先就
寢明且外史亟歸且屬以足成之爲之補
就吳人陸友善隸韶乞寫二紙一張於齋
一寄外史云鄭元祐識

明良賡歌基猗邠奏鼓始清廟殊雝雝祐赤鳥固
几几豈惟緇衣賢雨政以朱襮美原鴿兄弟急祐
河魴父母邇便施谷中葛韶亦采體下菲詠桑表
沃若雨歌萊賦樂只韶鮑譖蘇公絕祐厲懷凡伯
恥思鳴卷阿鳳雨願繪袞衣蚩韶蔽以思無邪毋

曰鼠有體雨言超授簡貢祐道在過庭鯉雨遂去

文辭害亦屏訓詁昧譎諫主風刺祐昌言發典比

雅亡繼麟筆韶和寡續巴里鎬罷魚在藻屈倡鳧

汎水雨絙絃誰與奏補苴自難擬哀哀河梁別祐

堂堂沛風起雨祠雒悔心萌祐决虞壯圖已塞瓠

恨弗鬱祐援桂慄藿靡便啼城上烏雨猶恨水中

沚祐隆中抱膝想許下橫梁偉體要必中度祐葩

正悉循理雨響當貫珠串祐輟始轉車軌韶清圓

斲冰苦雨穎脫扣鍾喜韶無題白乃聖有作甫良

史雨險如橫空盤突若破陣褫祐雕鏤百神困策

役萬象靡雨爨桐聲玉明廟樂厭石齒揮毫既凌

厲賦物斯須委祐郊公學方篤吳歛好誠鄙雨蕭

齋扁佳名華構落新址詩律妙獨造吏塵淨一洗

瑰辭出語穿遺經貯腹笥祐道在用服形神悟為

洗髓雨不虧素王造信全幽人履腎胃苦搯擢物

累困成毀直登陶韋奧旁摩鮑謝壘燄凌天策燉

古偕靈光歸請驗百世傳致慎一匱圮兩老皆苦

心六義始盈耳挂一真萬漏祐聊以示吾子雨

華亭康與可從長安邸舍見蕉池積雪詩
卷錄以寄余余藏笥中十年矣偶從敝笥

中見故人遺
蹟因錄之

舊有漢銅洗一作碧玉色受水一斗後有贈

白石上樹小芭蕉吾因置洗中名曰蕉池積

雪彷彿王摩詰画意賦詩一首羣公時多次

韻僅存師魯二篇

洗玉之池割圓嶠上有玉苗甘露零雪山凝寒歷

太白海氣正綠灑帝青是身非堅須長物絕境無

夢遺真形寧令嚴霜凋翠草詎勝失水哀銅瓶

劉汝次韻

銅駝陌上得銅洗曾見漢朝風露零寒光未變劫
灰黑古色猶帶宮苔青金人墮淚漫懷古玉女洗
頭真寓形與君作池媚蕉雪何以報之雙玉瓶

仙掌金盤別風露人間琛寶多飄零忽有銅洗土
花碧側想玉女雲鬟青千年偶在聊寄意萬物終
毀無逃形吾徒汲古寧玩物願予及泉資綆瓶

倪瓚

昔張外史有古銅洗種小蕉白石上置

洗中名之曰蕉池積雪軒西園老人追

和張劉二君詩書挂軒中予亦爲之次

雪中芭蕉見圖畫蕉池積雪終凋零風翻窗裏浪

花白雨壓床頭雲葉青詩人超軼有遠思造物變

幻難逃形爾亦林居喜幽事曉澗石溜攜銅瓶

右海昌張伯雨蕉池積雪詩一篇其稱羣公次韻

補遺卷中

僅存者劉師魯二篇伯雨之爲蕉池積雪去今十
餘年吳江村叟周君爲蕉池積雪視伯雨所爲無
少異周君喜其暗合也求書其實併詩以表之始
周君豐于貲財好蓄古玩器無何兵起其貲與故
物一昔蕩然俱盡惟守小屋數椽目以此爲娛悅
人以是多之伯雨已矣在承平時稍爲清峭殊特
者而周君當事變之際不隨衆境而逝而乃創意
于此又其奇也雖然氣化盛衰之數恒相迭而無
窮也以金石之堅者不能外此而待人獨于一草

之微而致意焉者其亦有所寓矣夫何寓哉妍媸
巨細不可得而擇也消息盈虛不可得而加也彭
殤生死不可得而齊一也自達生而言之無不曰
我于物無滯也而又何校乎然則蕉池積雪之趣
固不可以形器求之也求其趣者舍詩無以也余
旣書伯雨之詩而又書其始末如此至正庚子七
月十日華蓋洞著書者饒介識

余從泖上購元人耕漁軒卷前有楊孟載
說後有姚少師跋其間題贈詩篇倪元鎮
而下皆一時如雷如霆之偉人蓋爲太
湖大隱徐良輔而作者張伯雨其一也

畊漁軒

幽人薄世榮畊漁夙所喜朝耘西華田莫釣洞庭
水浮湛干戈際無譽亦無毀釀秫雲翻甕鱸魚雪
飛几客來具盃酌客去味經史緬懷清渭濱何如
鹿門裏往者不復見斯人亦云已努力勤所業庶
免素餐恥

陳眉公嘗謂余曰余山中藏伯雨楷書詩
七首後云上雲林清閣閣下希是正之益
句曲張天雨起首惜未曾見又云趙魏公
宋秀王之後其子仲穆喜画墨蘭張伯雨
戲題一絕于上仲穆
見而愧之蘭遂絕筆

題墨蘭

滋蘭九畹空多種何似墨池三雨花近日國香零
落盡王孫芳草遍天涯

壬午孟夏山中採茶僧至康侯復寄
逸詩若干首余去其重者而補焉

題趙仲穆竹西圖為楊元誠

問訊揚雄宅深居在竹西風林宜月影春日聽鶯
啼東老應同樂南隣憶舊題東風又花草相與及

幽棲

酬虞道園

一函真錄是遺書想爲焚香謝紫虛海上安期分
食棗人間長史合縣車泥九日月存思否華蓋烟
嵐筆札餘絕嘆清詩不埋沒解隨霜葉墮山居又
中庭古栢古栢庭中異栢前朝物銅柯石榦元青蒼雲壑終憶老
蛟卧珠樹獨畱威鳳翔月上團陰移覆砌雨餘古
香飄近床支離疏者深根在閱盡世人還久長

馴鷺

子然馴鷺雪霜明下瀨求魚自在行碧玉燈檠雙

足瘦白麻衣袂一身輕海鷗見事應何晚凡鳥題
門也不情輸我鴛行舊儔侶舉頭寥廓總雲程

題雪景二香圖二首

春雪無聲入畫堂東風渾似北風涼祇緣何遜題
詩少信是徐熙落墨強青鳥下迎羅襪步蒼髯來
近玉臺裝匡廬也入幽閨夢睡裏山花各自香

又又雪羽飛來雪意濃國香狼籍暝煙叢倩誰與剪吳
淞水愛爾能吟柳絮風翠袖佳人玉跳脫平頭奴

子錦熏籠劔南書手看前輩着粉施朱或未工

輓貢正甫經歷春遊蘇州賦詩與吳長

親闈晚歲斑衣樂蓮幙秋風綠水香范氏清名滿

吳會朱公遺愛在桐鄉淮山招隱推奇逸彭澤疏

封盡顯揚却憶去年稱壽日劉梅盛事播詩章

湖州閔康侯寄外史逸詩多篇復動余索

隱之典每展一元人集必有所附入同社

馬退山手鈔祕本甚多因乞篋中所藏又

得外史寄无言禪師詩五首但奉雷揭學

士曼碩一篇余向年已刻

入上卷小有不同仍存之

奉雷揭學士

柴荆馬糞間蛛網動相關閣老因移疾鯁生賴訂

頑雨涼修竹健沙僻睡鳧閒如許秋來意溪航忍

獨還

龍翔大師秋後惠斬篔回首蕭蕭語

遮眼羣峰雨驚秋一葉風僧歸建鄴寺詩到豫章

公鮭菜真堪戀桃笙不待攻澡身方得計餅外有

餘空次韻寄答雲門斷江禪師

木葉好峰千朶碧蓮花湖山近日重來鶴池館於
今足吠蛙早晚越中尋賀老千秋觀在爾東家

送太祝陳柏還京師

公子翩翩出太常南來使節擁輝光製器上供清
廟薦聚書內還東壁藏天祿子雲終識字歲星方
朔暫爲郎海漚零落洞庭野回首簫韶引鳳凰

龍虎山張一元一宿而去

神翁觀主來相訪既去猶如夢見之閉戶著書吾
黨事對床聽雨昔人詩萬羊何與分憂責一物終

能係盛衰回首孤雲自天末竹陰涼坐看蛛絲

无言禪師出紙俾書繆作錄近詩凡五首求方外

正之葛塢張天雨皇恐頓首時至元五年秋七月

廿又一日也

予自蚤歲好鈔先賢秘本戊寅夏借荻溪
王凱度所藏朱性甫先生手鈔珊瑚木難
第三帙閱畢摘錄元時諸名家詩內有張
伯雨五首附錄寧極齋詩後適汲古閣主
人毛子九氏廣搜伯雨遺詩補刻因出舊
本同閱命錄出此則退山馬宏道識
長至前五日康侯又寄貞居二詩憶昔黃
州洪半石先生守毘陵時欲改惠泉爲第
一泉首唱近體詩六首索余次韵讀貞居
遊惠山寺一篇喜三百年前早有同心

遊惠山寺

水品古來差第一天下不易第二泉石池漫流語
最勝江流湍急非自然定知有錫藏山腹泉重而
甘滑如玉調符千里辨淄澠罷貢百年離寵辱虛
名累物果可逃我來爲泉作解嘲速喚點茶三昧
手酬我松風吹兔豪

贈龍門恩公

恩公昔住天平日林下相迎壞色袍行到龍門無
脚力右肩偏袒喫櫻桃

句曲外史集補遺卷中

句曲外史集補遺卷中

句曲外史集補遺卷下

後僕夫泉記

有宋高僧中庸子居孤山礪礪坡之院僕夫藝竹得泉因以名之且復為之記循本而言信無棄人矣紹興初敕遷院于寶雲山中庸真身之塔隨遷所不遷者泉耳院去葛洪丹井數十舉武而近日唯井泉是汲甌挈云勞匪一朝夕迺至正癸未之春塗墍殿廬墾土堦下舉鋪而靈脉潤導竅而清泉涌既浚既滌寒冽不渝於是檻以密石覆之以

亭重以僕夫標之示不忘其初嘻亦異哉主僧芳
洲潔雅之士行道修辭至於食飲種植之微動循
孤山法則猶以散泉不食爲未足今獲五勺之多
不啻充滿其願來者相與嘆曰距祥符之世踰三
百載道源有續口澤如新芳洲其今之中庸子乎
予謂是泉之發初不擇地而密依猊座交蔭桂枝
上人不易名僕夫不與知其功利與茲山毋竭書
以爲後僕夫泉記是歲夏四月

白雲春日遊南山約

看長安花已
是丈人之行
問鐵鑪步聊
從太史之
觀甫及春晴
可無宿諾且
鷲峰暖洞衆
人何莫由
斯顧靈石龍
泓賢者而後
樂此緇塵拂
汗碧嶺長
幽仰探玄豹
之深下笑飛
蚊之聚風篁
蕭爽憩德
威二老之亭
蟬冕輝煌拜
元祐諸賢之
像徐行後
長逸興邁倫
撫中嶽外史
之書碑長虹
貫日覓房
山侍郎之題
壁白雲啓扉
放浪形骸攄
寫懷抱豈
沙門不得稱
高士而濁醪
亦足名賢人
追觴詠之
風流成談笑
之故事盤飧
爲具酌必真
率會中車

騎後時罰依金谷斗數儻居高遠徒費招邀至正
二年四月廿二日書
戲題黃大癡小像
全真家數禪和口鼓貧子骨頭吏員臟腑日愈
二題顧善夫集十大家畫
玉峰顧善夫所藏名人書畫余得見者亦屢矣不
若此冊尤佳如名園中春花盛開雖紅紫黃白不
齊而各具一種天然生意鬪麗爭妍善夫日夕危
坐于怡樂堂中焚香展對其領受當爲不淺矣是

日同觀者閑閑道人吳全節至正丁未秋社日句
曲外史張雨書

句曲外史集補遺卷下

終

句曲外史集

附

七月六日承貞居先生遠寄周鍾銑間有文

象鳧之形則考工記所謂鳧氏爲鍾者也擊
之與夷則合而是日又適立秋古物之來豈

偶然哉輒成小詩拜賦之辱請趙孟頫

故人賞我趣遺我鳧氏鍾制與周禮合試叩聲春
容是日新秋節夷則還爲宮懸之西楯下浮磬儼
在東金石互相應間以絲與桐八音雖未備古樂
將無同鼎尊鐸解自羅列見古風揖讓於其間令

我懷周公作詩報佳貺庶以開羣聾
竊窈丹房古澗阿長松修竹繞層坡桃園隱者時
相遇茆洞仙人夜或過沆瀣杯寒供曉食青冥笙
響答空歌白雲浮出地痕滿知是龍泓宿雨多

中秋對月時張外史有約以醉不赴

明月中天烟霧消酒醒涼思正飄飄星河不動秋
空闊鐘鼓無聲夜寂寥露下遠山皆落木風來滄

海欲生潮僊家玩事無緣到虛負瓊樓聽玉簫

和張外史山居雪霽

窈窕磻阿人跡斷隱居學道自神凝巖頭鶴下松
無雪石底龍蟠水不冰釀酒春瓶濃勝乳抄書雲
笈細如蠅多君肯念還京客爲織春袍柿蒂綾

宿張外史馬塋新居

竹樹忽聞乾鵲噪明朝歸去候新晴小樓無處著
秋意暗雨空山如海聲葉落窗虛聞鶴步峰回路
轉斷人行誰知昨夜玄洲客剪燭談詩到二更

夢張天雨

薩都刺

政恐梅花卽是君一床蝴蝶兩床分
邀予悟讀玄真子羨爾偕升太素雲
開篋取書銀字滅捲簾呼酒玉笙聞
覺來不省誰同夢雪影翻窗似水紋

寄句曲外史張伯雨

虞林集

獨抱長鑱管白雲琴心誰錄內篇文
清齋三日秋仍瘦徧禮羣真夜每分
石記恐妨塵外事山經聊許世人聞
已從司馬求真錄更爲通章九老君

寄貞居張先生

虞林集

司馬先生苦著書久食金液日清虛
星辰欲動舍精劔雲霧長隨畢道車
重憶仙翁千仞表爲修真錄百篇餘
白頭供奉黃金盡靈笈伺因到隱居

送錢塘張天雨入茅山二首

虞林集

獨棹扁舟入白蘋隱居舊宅去棲真
囊懸肘後惟丹訣書到人間稱逸民
未覺白雲畱住晚也應蒼木寄來蘋
手栽松上騎飛鶴知是華陽第幾人

又

虞林集

隱居聞道無人跡麋鹿來依積雪深
每占雲氣得

芝木莫怪月光穿樹林茅君自騎一虎下木客或
與羣猿吟知爾此時最相憶遲子飛屩度千岑

未嘗和答張伯雨士淵張翥賦吳華范道惇

靈均逝矣不堪呼幾欲南遊訊楚巫城郭烟濤垂
白帝星河風露浥黃姑幽人昔恨九關豹佳士今
猶千里駒久客資君相慰藉可能無意謝飛鳧

過伯雨會無外式公劉君衍卿因題詩

黃表潛

廬山舊事誰能繼三十年前此會同偶爾共來今

日雨蕭然猶有古人風坐深遙對花如霧興盡徐
歸可在空仰止前修那可作聊追餘響托無窮

次韻伯雨臘月八日雪中同登來鶴亭

坐臥

興來欲泛山陰雪不奈舟膠野水凝朝士白頭愁
獨步仙人赤脚傲層冰招來盡是雞羣鶴趨附空
慚驥尾蠅夜久松龕同擁毳絕勝僦值有青綾

送張外史歸華陽

送君高舉入華陽古洞深蟠石逕荒蔽日旌幢朝

滄滄飛空環珮夜琅琅
霞已試登仙訣祀竈還
修却老方見說陶公雖隱遁
猶將道德佐齊梁

神韻追和張外史山居雪霽
蘇軾詩俞友仁詩

湖上千峰盡失青湖光十里未消凝
吟詩細嚼梅花藥煮茗潛敲澗壑冰
東郭忍寒行似鶴南屏癡醉坐如蠅
相過內相知乘興盛服猶披舊賜綾

伯雨書老杜花逕不曾綠客掃之句使童子

持以示略不運思足戒詩以繪野寺僧韻

久聞方外有神仙只往華陽古洞天
花徑不曾綠

客掃石林今許借僧眠穿雲去汲澆丹
井帶雨來耕種玉田一自茅君成道後
幾人騎鶴下蒼煙

寄贈華陽洞隱者

袁世楠

尸坐朝日雙臉醺寢扉曉入香爐雲
苔石縱橫紫絲障蓀花清淺青霓帟
北山猿鶴似有約南崖鍾磬宜相聞
更欲深居人絕壑築壇夜禮三茅君

黃真乃春計籌山寄句曲山人
蘇軾詩黃石翁

松花落粉啼子規山人燕坐春晝遲
石泉豈非大韶樂日色猶是鴻荒時
筠籃竹杖烟中語青紙丹

書林下詩應謝錢唐舊知識白雲獨往無還期

公亦悼句曲外史山人燕坐春堂或楊維禎

黃篋樓頭僊一去明年黃篋掃狼峰不知天上修

玄史只訝山中伴赤松石室秘書愁攝電星池遺

劍已成龍思君不見夜開戶月在金鍾玉几峰

只坐玄文館送張伯雨鍊師歸三茅

柳道傳

華林菌閣草菲菲千樹啼鶻喚客歸石上踞龜談

未了山中騎虎去如飛白雲冉冉浮芝蓋青雨疎

疎灑葛衣世外故多人物論一枝丹筆待君揮

山日用韻重送 柳道傳

海上盧敖汗漫期雨青雲白送將歸步隨玉女明

星出夢載神山左股飛迳常時多著屐深林五

月未更衣冷飈忽動三君下七尺冰絃信手揮

外史詩為人膾炙玄珠光照浙西東振衣玉宇瓊

樓上滌筆冰甌雪碗中龍去葛陂乘算雨鶴歸華

表語秋風一瓢喜落廬陵手箇箇青錢鑄作工

表語秋風一瓢喜落廬陵手箇箇青錢鑄作工

題張伯雨初陽臺唱和卷

笙管聲沉彩鳳飛朝陽出海散晴暉一時文物推

延祐五夜丹光起太微歲月無情詩卷在江山如

故昔人非祇應湖上梅花月照見荒臺獨鶴歸

民未拜句曲外史墓二首

百年尚友重文章登拜孤墳一瓣香赤壁舟中驚

鶴夢玉鈎橋下奠椒漿匣藏神劍猶生氣雲闕秋

山自老蒼雙眼摩挲舊碑刻還疑清夜吐虹光

題張伯雨湖堤暮歸

僊去端依絳節朝僊壇環珮竟寥寥字收渤海千

軍陣詩逼成都萬里橋黃篋樓空焦炬入清風堂

廢白雲銷惟餘靈石山頭月千古風華不待招

昔與張伯雨湖堤暮歸

柳綠淡蕩雨霏微隔水遙看羽蓋飛馬上僊人強

支酒踏花何處晚來歸

題張伯雨來鶴亭

羣真終夜降華陽曾聽仙音近玉床語罷是誰留

別鶴待君寥廓共馳翔

虞集

亭前春雨長蒼苔海鶴長鳴一日來從此琴心三
疊裏月明時見影徘徊

支郎與張天雨楊廉夫陳子平諸公遊虎丘

昔吳有縣精茲丘據其領前瞻埋金竈尚餘淬劍
井簡書畏懷異星日發光耿干將不剽兕牡鞠豈
禁電至今點頭石斷非躍冶礦上機不由智大將
寧論猛公剖儒釋緒便從康莊騁詞鐫琬琰嚴聲

抽轆轤哽掉鞅清淨海不墮生死頃憶昔此來遊
六月佩旌冷山靈寶其躅歲月塵劫永我生若後
時惜此媚風景坐嘯嗟所見起舞顧其影箕尾橫
青天有懷無從請
鶴巢次張貞居韻
胎禽巢居迥每在林表松棟梁架青冥戶牖瞰碧
峰欲睹仙者馭每懷塵外蹤玉童坐吹笙娟娟好
顏容時歸理其室護以虎與龍茅簷瑤草香欲往
路莫從星宮集羣真霞光覆千重解后十洲上仙

聖應相逢宮裏夢真靈六鬢千重飄白十機止山
巖容題張伯雨雷別卷京與齋果齋草香浴卦
句曲外史儒仙師開且論事劍差差詩律精嚴奪
天巧字畫峭重含春姿斗朝飄然止京邑赤墀不
拜惟長揖名稱籍籍諸公間落紙雲烟粲星日墮
書令任西湖濱忽思騎虎朝玉宸大茅峰頭斟北
斗劍佩色映江南春山經幽文與道帙歸藏靈澗
之石室小劫猶割紫琳腴夫書應按皇人筆鬼物
守護今幾年闔戶勒銘師亦仙酒星在天炤酒泉

福鄉者因昭明道館名也出諸榛莽著文刻石覆
之以亭而巖洞泉石之脉近在百步內者皆按圖
表之可以觀覽泰定元年上清四十五代宗師劉
君大彬朝京師授予始末俾爲之次第焉張君吳
郡人名天雨內名嗣真字伯雨別號貞居年二十
棄家入道徧遊天台括蒼諸名山吳人周大靜先
爲許宗師弟子得楊許遺書張君從而以爲師悉
受其說嘗從開元王君壽衍入朝被璽書賜驛傳
顯受教門擢任非其志也卽自誓不希榮進因從

三茅之招追奉任君而下五君爲文而告之願畢
力茲宇所著外史世集三卷碧岩玄會錄三卷又
尋山志十五卷考索極精博云嗚呼自任君始居
此餘數百年才五人傳焉其自致于久遠者果何
托也豈若後世各誘門人系以私屬如家人父子
者哉故寧希濶而有待今張君無前代賜予之助
徒草衣木食以營此而曠然思與四方之士共爲
千載之期豈非豁落丈夫也哉予故與君爲方外
友奇其能先予遠舉也故系之以詩曰文成不

大茅南垂元氣積陰關闔扉陽洞闢曲穴流泉保
靈宅任君來餌黃赤石天一召錫太元册曲阿受
養良有擇構宮方嚴自王伯清蹕臨止靈響格虛
林森爽化赫奕福卿帝子發甘液不食何年喪遺
甕白雲映空玉清客開元全盛煩有役持節芻牛
致纁僻爾來蕭條世代隔石磴刻文土漫畫誰其
啓之規古昔句曲外史美冠鳥研書千卷視貞白
天真景隨玄系繹玉室金堂萬無數

師友集者張君伯雨所得名公贈言及倡酬之作也伯雨之生去宋季未久其大父漳州通守公雅不欲諸孫參於貴驕而縱爲異時華靡遨放事延儒先以爲師教之甚篤而伯雨特聰寤爽朗穎出不羣卅歲卽務記覽弄翰爲辭章方是時前朝遺老宿儒魁士猶有存者數百年之文獻賴以不墜然皆尊其所聞人自爲學未嘗凌高厲空併爲一談以事苟同伯雨覲其光儀而聆其緒論如企嵩岱而得其高臨河海而得其大且深佩服之素固

非一日年運而往諸老相繼淪謝伯雨乃以壯盛時去爲黃冠師間出而觀國之光屬當文明之代一時鴻生碩望文學侍從之臣方相與鎔金鑄辭著爲訓典播爲頌歌以鋪張太平雍熙之盛伯雨周旋其間又皆與之相接以粲然之文如埴鳴而篋應也逮伯雨勅遊而歸入山益深入林益密竝遊之英俊多已零落而伯雨亦老矣後生晚出如春華夕秀奇采邇發欲一經伯雨之品題者無不挾所長以爲贊而伯雨皆莫之拒雖細弗遺宜其

所積之富如此嗟夫伯雨負其超邁卓絕之材不徒有聞於家庭而脫落綺紈之習遂能遺世獨立周覽六合必欲盡大觀而無憾其高風雅志固可槩見也雖然四十年間氣運有升降人物有盛衰而文章之變化與之相爲無窮述作之家尚有考焉詩文總若干篇其次第不係乎齒爵位望而以歲月爲後先方外一二士旣編輯而校讐之復俾潛爲之序而刻寘伯雨所居靈石山之登善菴潛之鄙陋言不足以盡意序續集者寧不爲之畢

其說乎

張外史馬勝菌閣記

陳旅

錢唐邑屋叢輳數十里至爲重樓以居委巷若闕市人氣滂鬱爲溽霧城西山水清曠而笙歌粉黛上下無空日夫杭東南輿區芬華之所族而幽靜者之所處也城北有村曰馬勝居民多業藝花土沃俗質聚近而墟遠至元間句曲外史來棲焉爲閣四楹桂卉叢植旁有長松數十章落落如高人湖上之山騰伏閣外蓋得冲覽之會者外史舊有

菌閣在金菌山吳興趙文敏公篆榜極古茲復以
真蹟署新閣意扁舟往來所志在菌山也

句曲外史集錄序

錢唐張伯雨先生天季碩儒逃名于方外其制作
與古人相伯仲予嘗私淑其真行書購求真迹或
卷或軸長篇短章又有其手書詩文稿各一帙總
若干篇保若拱璧藏之雲東仙人館成化丁未六
月火盡焚其所積圖史而先生之跡俱逝者十之
八九先生平生詩文甚多梓行者尠余所得一編

僅百餘首乃徐良夫作序者又余幼時先君子命
抄錄五七言八十餘首今皆不存余茲暇日爰就
相知士大夫家搜訪其所作若詩若文雜著并余
家煨燼之餘所僅存者番書于冊名曰句曲外史
集錄俟既富而類析之壽梓以行嗟夫人之生世
古今未有超然獨存者所賴壽之於不死其文章
乎故凡文章根柢于道自信可以傳後雖流散海
內後必有人收錄必不使之敗壞漸盡若韓昌黎
之文歐陽子永叔得之於散漫之餘行於校讎之

後遂爲四大家之冠輝煌輻輳垂之無窮人第患不能爲可傳者無患乎千載之下不得流播也吾道在天地間不絕如綫世豈無其人哉斯可驗諸

外史張公墓碑銘

嗚呼此句曲外史貞居先生張公墓也南屏之右西湖之陽梁題五鉤澗度靈石路披篠樹鳴帶烟霞石室藏書碑文紀事其形雖逝其神則存翰墨在人文章垂世儼然生氣之張皇警歎無聲周旋滅影穆若太虛而示寂開元精舍久無繼續之賢

句曲貞居全乏訪求之彥遂使墓門荒翳兆趾崩奔松栢摧爲薪莫設時樵之禁身世是何物曾罹夜客之侵痛茲劔躍雷津慨爾研離玉匣旣往何咎將來可圖曠世而默契余心尚友而景行前哲爰合佳士聿來嗣人卽冢土以增崇求體魄之綏靜其灌其榭于以植夫美材有紀有堂于以開夫幽隧不有伐石將安載詳是欲喚起令威再返遼東之白鶴招還曼倩同瞻雲外之青鸞第恐紫極高樓罔由下邁自謂黃中密通端冀有臨先作傳

以述夫始終舉珉是託復贅銘以紀夫歲月彤管
庸書銘曰
於厥張公天雨伯雨是名是字早曰貞居晚曰外
史厥號不一幻僊亦爾文章闢古鑿鑿齒齒書法
俊逸不邕以止樂道忘我人莫之訾相靈石澗爰
墓于茲有峰而岌有水而駛喬喬者林盈盈者芷
迴絕風塵攸驅虎兕以巖爲扃以雲爲峙朝烟夕
霏紆青委紫時遠世異毋怪頽圯聿修增之屬後
來士於厥張公克具衆美周聃之學洞究玄旨獨
立羽化匪忽焉死光華曷居天漢之涘譎予銘者
式味妙理矧嗣教人其不興起薦溪之毛挹齊之
體公恒賁斯以陟降只

句曲外史集

附

何陋文集卷之六
 公父于契厚故往來數而題詠錄余已采入
 我湖藝文矣惜姚侍御一生購求半付煨燼
 非琴川子晉毛君彙梓何以知羽流中有此
 異人也然而較余所采仍有遺者於是取架
 上書遍搜果得詩九十七首文五首又抄本
 詞一卷則傳之亡友張稚通者也子晉雖未
 及面曾尺一相聞而双林存疑上人与子晉
 交不啻外史之与松雪遂屬上人郵致之如

外史績學工辭章名動公卿獨於我湖趙魏
 公父子契厚故往來數而題詠錄余已采入
 我湖藝文矣惜姚侍御一生購求半付煨燼
 非琴川子晉毛君彙梓何以知羽流中有此
 異人也然而較余所采仍有遺者於是取架
 上書遍搜果得詩九十七首文五首又抄本
 詞一卷則傳之亡友張稚通者也子晉雖未
 及面曾尺一相聞而双林存疑上人与子晉
 交不啻外史之与松雪遂屬上人郵致之如

洞壑藏書盡隱文不知竹枝卧餅高筆塚同上偶

閣一枝紅石竹題宋仲溫試院卷尾朱竹韭長雨肥含土膏

詠非風沙不憚五千里翻身跳入仙人壺題漱亭家

藏逸少籠鵝字門繫龜蒙放鴨船胎葉景脩百年身

付黃花酒萬壑松如赤脚冰九日楊太史邀訪陳雲嶠遊水樂洞由來

老筆荆關輩傅粉施朱笑後生題王子久山水逸句如

玄史自序胎仙閣記游天平山記及八絕句

趙松雪千文跋書伊尹古像後倪元鎮像贊

均無從覓補李君實先生手抄澗阿詩稿二

考亦無繇寓目敢謂貧兒撫拾盡乎是在子

晉矣其交遊投贈除志道天錫元鎮三集外

悉綴焉所以推外史當日刻置登善庵之意

也小傳止載虞文靖書七十二家符篆以服

外史乃近峯聞略謂外史嘗矜其術伏壇良

久虞見溝中出一蚓食汙濁以竹編阻之外

史起自言適往天府賜以瓊漿玉液值干楯

滿前而寤虞指蚓示之云漿液即汙水干楯

即竹矣君所學妄矣外史悔悟再拜求教又

六研齋筆記謂外史墓在南高峰左麓正德
間山民鋤地深數尺遂犯其墳見一人盤膝
坐爪髮俱長腦傷漿迸久之復合驚憇急掩
之中有書二冊攜一售鄭栗庵再往取其一
中途忽風雷大作失書所在此則侍御碑後
事也若謝承書稱壽張女子張兩養孤不嫁
視夫學道不娶者豈相遠哉使余僧杲先生
輯同姓名時客以斯進定當絕倒崇禎辛巳
冬日歐餘山人閱元衢書於咫園之一州堂

貞居子黃篋樓手編生平詩文甚富惜乎紅
巾寇杭之餘不知所存余十年前所刻句曲
外史集三卷蓋陳羽士訪諸貞居經歷之地
寸綫尺練櫛比而成者也猶恨未獲楊鍊厓
所鈔重窺石室之祕耳幸湖州康侯閔君窮
搜博采手錄遺亡若干幅數月之內鱗羽相
接而寄於余余亦隨開緘之先後付諸梓人
略無詮次又得三卷鍊厓所云晉武庫之遺
劍不在斯乎鍊厓為一代人望不輕可人獨

醉心于貞居康侯真今日之鍊屋也所著江
東外紀吳興藝文諸書不亞於史鉞及史義
拾遺亦醉心于貞居豐據撫無勸色貞居
何幸而遇此兩知己也余媿未能學姚公綬
以古画相易或不至為胡季城受友人之托
不能共之海內歟虞山毛晉識

張伯雨集外詩

四言古詩

書摘阮圖

長松結陰芳草如莽丘中微吟有天際想彼阮者
咸發我撫掌一鳥不鳴衆山俱響

海虞 毛晉子晉 訂
馮武寶伯

五言古詩

道言

造物於我厚一切使我薄
 瓶中有儲粟持此卧雲
 糲弊衣取苟完得味在
 藜藿花鳥予友于尊酒不
 獨酌床頭堆古書敗履置
 床脚未嘗身没溺何與
 世濁惡正如散馬牛不識
 穿與絡異時老髑髏會
 有南面樂

澗阿對雨

山雲油然作山雨來不緩
 既霑靈石塢遂洒寒栖

館落水遽如許衆草行復爛有酒不堪酌無酒堪
把玩與聞季長笛寧從中散鍛代謝夫何如徒爲
白首歎

九日風雨清齋

中林授衣節寒氣早已集牖戶泊裘褐凡百缺治
葺窮居昧時序頗訝光景急叢篁助幽翳濃瀨發
空寂水禽穿屋過巖樹排簷入陶尊旣塵漬墨突
亦雨立遐思把菊詠端處掬溜室空言非藥餌殆
不廢九日

服用雜詠四首

十年著一冠一冠已三載緇塵無留跡色爲玄雲
靄長纓安所施輕導猶足挽每彈出新沐泥丸映
朝彩短髮不容被初服詎可改 右玄冠

衣褐賤者徒爲仁則由已粗疏實寬博彼賤孰敢
擬寒溫屢開闔補紉亦云幾信有不變玉貞哉居
白裏使與狐貉立翻爲弊袍恥 右素褐

客從麻姑來遺我楮素衾肪膚皓難滓鉛骨滑易
伸如此木匡床共保一色純鷄鳴風雨夕鴈度霜

雪晨楮君方眷眷因之乃凝神
 右楮衾
 粵昔大知舜有作陶河濱先民尚其質後世挹其
 醇我亦舜之徒對之稱素臣木槩仰承足秋水酌
 及脣守此三代寶孰得吾廬貧
 右陶尊

宗祖難派四首
 宗祖難派四首
 宗祖難派四首
 宗祖難派四首

七言古詩

延陵公承慶堂詩

大江蒼方兀龍虎輔元之家百神頓望拜受釐若
 稽古上清真人閱衆甫新宮潔齋導天語紛雲郁
 霞錯承宇虛皇穆然陽衛武左颺右歛降軫羽縣
 鐘鏜鏜迅擊鼓赤金祭服赭朱戶雙珠月明帶寶
 璐挾以流黃玉糧具既竣大禮私事舉吉日宗族
 奉爵俎青紫系地簪綬組魏張代劔新捧土饒國
 開觀治宿奔報君親師物咸覩撫已一念或未溥

西壁考書玄範府寒冰層陰發春煦日幽若明沐
仁雨道德大非方仙伍月佩六印非適取持旌召
趣迹旁午下王滓瑤寧久處天閑會規足蹈矩願
天願地多黍稌畢志萬年奉明主小史作書孰敢
侮吁嗟厚德番之祖評曰不蹈黃庭句意森滿
聽雨樓至正八年二月十一日
雨中市井迷烟霧樓底雨聲無著處不知雨到耳
邊來還是耳根隨雨去好將此語問風幡聞見何
時得暫閒鍾動鷄鳴雨還作依然布被擁春寒

鵲華秋色圖

吳興公自序云公謹父齊人也余通守齊州
罷官來歸爲公謹說齊之山川獨華不注
最知名見於左氏而其狀又峻峭特立有
足奇者乃爲作此圖其東則鵲山也命之
曰鵲華秋色云張雨賦詩于左

弁陽老人公謹父周之孫子猶懷土南來寄食弁
山陽夢作齊東野人語濟南別駕平原君爲貌家
山入囊楮鵲華秋色翠可食耕稼陶漁在其下吳

儂白頭不歸去不如掩卷聽春雨

山澤氣清玉樹東垣人

兵劫後人公書交國之

日清華林色云是雨

只書後以餘我此

是味各具林式

山以際華不

公書交國之

公書交國之

公書交國之

公書交國之

公書交國之

公書交國之

公書交國之

公書交國之

公書交國之

公書交國之

公書交國之

公書交國之

五言律詩

強行之常州教授

聞道詩書種南方有此強才名文學椽步武紫薇
郎家與臬比近盤餘首菑長諸生時列坐亦足奉
華觴

澗阿對雨

步歸靈澗幽泥染居士屨不知嵐雨深稍怯布衣
薄拂床次羣帙掃逕堆脫籜清坐亦偶然吾非慕
仙爵

山陰冬日

雨雪衡門晏陰景薄山阿飛鳥各謀食媿此養微
痾餘生轉晦昧芳歲亦蹉跎勿云幽疾久去疾將
如何

幸謝雪作

夕寂微生聽寒頑稍使猜明珠交撒帳銀甲整銜
枚厲鬼鋒全挫東皇駕即回眼中紛物色白戰若
為裁

桂花下約黃秘監飲

翡翠黃金屑檀欒秋桂枝涼風何日到庭樹已先
知一杯持問月更待賈淳來

次韻韓伯清見寄之什

乘居甘寂寞豺虎動成群地僻傷春草江空憶暮
雲友朋難得會書札近相聞世事今如此愁來嬾
學文

久客黃岡地新年白髮侵笑歌思執手憂患苦閑
心市井皆吳語山林獨楚吟羨君漁浦上高隱貴
要金

公市共皆吳南山林野欲...
入容黃圃欲...
...

乘秋甘...
...

...

七言律詩

送瞿慧夫上青龍鎮學官

青龍江上古儒宮子去橫經作士風
當戶九峰春樹隔去家百里海潮通
華亭好事籠盛鶴楚國名碑篆剝蟲
信是青衫如拾芥辟書已在薦賢中

真題奉題彥清壽母之春草軒

風月無邊家慶裏滿庭芳草綠
芊眠謝家得句元非夢孟母遷鄰
果尔賢沉橘井中香不斷樹萱堂
北翠相連笑看書帶傳書種箇箇
萊衣舞壽筵

彭南陽真人雲窩煉丹之所
石枰碁子皆生路洞室藏書盡隱文誰與解醒千
日酒我來分住一窩雲虎龍金碧親承訣鸞鶴青
冥動作群莫向鄒忻叅火候定知此事屬彭君

吳大宗師岳宮行香次韻

元日朝元回羽隊東華門外踏春陽還趨岱岳祠
宮闕遙識仙官劔佩香國有著龜金作鑑年登蒼
艾髮如霜老人星在微垣內可是人間化日長

棹歌

暇日拏舟出郭門觀風聊采野人言借車踏水半
陂麥打鼓賣魚何處村光陰轉比中年促生聚惟
餘西澗繁正使枋榆安尺鷁又從倦鳥返丘園

次韻段推官觀潮

雪濤卷入白螺杯雲夢吞將灩澦堆陳馬直從天
漢落颶風先自海門來青山一向開銀壁黃纒中
央立露臺好在畫圖留壯觀江頭白首不堪回

贈紐怱大監

論卷聚書三十萬錦江江上數連艘追還教授文

翁學重歎徵求使者勞石室談經修俎豆草堂迎
詔樹旂旄也知後世揚雄在獻賦為郎魏尔曹

大請以蜀文翁之石室揚雄之墨池杜甫之草堂
皆列學宮又為甫得謚曰文貞以私財作三書

院徧行東南收書三十萬卷及鑄禮器以歸虞
奎章記其事邀予賦詩如上

趙伯常運使留題澗阿即席次韻

莫笑切堂水膠杯泉頭落木動成堆天寒正使蛟
龍卧日短何煩駟馬來杖策東坡靈石塢留題外

史讀書臺舉觴賓佐風流甚老子遊山第一迴

危君太朴以史事南來搜書風雨宿南澗明

日追寄此詩

布衣走下雲林顛檢閱經書天子筵去家昔踰半

萬里別我今將十九年輜軒使者采圖籍龍門太

史行山川澗阿一宿慰風雨起視留墨心茫然

老學齋書懷寄京師故人

手種群松數尺圍草深南澗客來稀一經斷送垂

垂老萬事安排念念非晨待獲蘇才蓐食涼驚絡

十
緯尚締衣蓬萊坊裏清宵月也到山家白板扉

中庭古栢

庭中異栢前朝物銅柯石幹兀青蒼雲壑終憐老
蛟卧珠樹獨留威鳳翔月上團陰移覆砌雨餘古
香飄近床支離疏者深根在閱盡世人還久長
李遵道寫湖石圖
好石曾聞牛相國寫竹今惟李使君能消龍尾一
螺墨與染峨眉半朶雲瑤草種來秋著露昆刀藏
去玉成文堂上朝來有佳氣淮南獻壽獨殷勤

趙彥輔雪圖

清才絕似王摩詰愛向高堂寫雪山華蓋洞中如
屋裏赤闌干外是人間瓊樓祇許飛仙住珠樹應
留織女板莫信寒泉傷玉趾最宜清暑聽潺湲

晨興

聊與梅枝說歲窮真成古木共衰翁百年勲業何
煩爾一世雲山不負公寒夢漸消窓影上春容已
在雨聲中晨興陟覺詩神王未放韶華角長雄

白蓬峯宴坐齋

早從衡岳端居室晚愛蓮峯宴坐齋香象時來雲
入戶鉢龍戲處水浮堦重重草座閒收足歷歷松
風妙寫懷亦欲遠遊叅半句無人爲我繫麻鞋

萬竹亭

高懷思得去人羣馬馱沙頭竹似雲亭子當江偏
窈窕主人遮道故殷勤日中見斗青霄立月下吹
簫碧洞聞渭川自足封君擬未數零陵萬石君

次韻虞公和斷江和尚種松

松下微吟愜病悰支離潦倒似支公頂因巢鶴翻

成結心爲依禪畢竟空陸子壇前春古淡葛洪井
上雨青葱茯苓乞與楊員外誰復緘詩過浙東

遊華藏寺

湖上亂峯如髻鬟湖邊才子駐金鞍霜餘鸚鵡沙
汀淺日落麒麟墓道寒古壁風篁無盡意清尊雲
海有餘歡遠遊未羨鴟夷子直向飛仙乞羽翰

次韻韓伯清見寄之什三首

連雲溪水出具區連雲莊叟得自娛高齋松月足
吟嘯濁世詩酒忘榮枯我無丹砂鍊金液君有用

土成膏腴儻能種秫遠相致與尔日醉壺公壺
卜居海上僅三年春日繁華思遠天練水澄清宜
釀酒溪魚鮮美不須錢欲將野艇尋幽賞多謝雲
山作勝緣寄語風流老韓子定須褱日過莊前
閒尋芝朮保餘年信是神仙別一天避地有書能
教子窮居無術學飛錢桑麻繞舍田園計竹素堆
床翰墨緣慚愧長沙每招隱時臨車馬到階前

次韻陸秀才春日幽坐

新塘雨餘流水新隔窓看花如美人晴絲冉冉墮

復起幽鳥嚶嚶啼更頻自憐華髮在海嶠誰肯野
服隨山氓故園荒穢久弗治且復飲酒從吾真

王
步直前相煇照此金玉一林味月露詩奉水仙

水仙

正言樂日

七言絕句

金蓬頭先生畫像贊

聖井山高日上遲采雲甘露碧淋漓下山拾得一
莖草不見菴中金老師

明德游仙詞十首用天柱山傳來依韵繼作

雲林道氣者觀之亦足自拔於埃壒矣丙戌

四月廿日

白玉之盤滄海東蒼蒼下視遠如空請看端正山
河影不滿均堂杯水中

鴻寶枕函雲積疊芝臺爐火暖氛氲子能試喫青
 精飯我亦聊書白練裙不嫌衰敗空請試漱五山
 夜久扶桑海色分珠宮望拜赤龍君洞庭未省君
 山在元是昆侖一朵雲之衣只自宮外外對盡天
 藤蘿石上尋長迹金粟圖中見小身抖擻幾重衣
 穢看情知不染散花人

厭見霓裳舞廣庭罷看三十九章經道人腰著金
 鴉觜自向松根洗茯苓贊

左股清池足漚麻池中肥水是松花早知魏帝一

丸藥肯信東門五色瓜山人天台最懶懶

恥作深山服食仙伐毛洗髓固依然木蘭墜露研

朱寫只寫南華秋水篇

郟底琴生三尺鯉袖中阿母一雙桃別時勞動凌

波襪爛月如銀照夜濤

眼中自小薄蓬瀛日月雙飛下始青
 明窓塵

彷彿定知草創大丹成

玉格金科自有期赤城何待遠尋師壁梭也解為

龍去獲斧如何只看棋

題黃氏林屋山圖

毛公壇東消夏灣佳城鬱鬱萬松間
寫成圖畫傳家慶白鶴千年去未還

題郭天錫畫卷三首

曾是書經三昧手省郎何許獨多才
不知公子香奩裏那得米家烟雨來
四世一雙淋浪林間風雨避籃輿
城頭鼓聲知有無只消深淺屏風疊
題作蘇郎詩意圖
廊川王孫厭世去大滌仙人天台還
醉戀瑤華張

學究未應夢到小雲山

題雲林春山嵐靄贈仲章沈君至正九年三

月一日

秀出雲林畫未乾一峯天柱倚蒼寒
玉人只隔輕煙靄三尺圖中正面看

張叔厚寫淵明小像

歸來三徑一年秋自是羞看爾督郵
王弘斗酒何為者不見南山不舉頭

商德符李遵道共畫竹樹

壽巖樹石黃巖竹善畫如今最得名更得二君同
一幅千金酬價尚嫌輕

顧宏中畫韓熙載夜宴圖甘肅王叔平
絳燭金杯滿席春紅粧歌舞樂逾新堪憐此際歡
無極豈顧堂前有瞰人

衣出趙吳興秋江待渡圖林汝泰寒主人只
郁木坑頭蕭侍郎負薪歸去趣溪航解包席地彼
誰子日暮途窮話尚長

聽琴圖

裊烟石壁對孤桐與和長松瑟瑟風不為野夫清
兩耳為君留目送飛鴻

史局先生示以季境京師贈行卷輒題一絕

卷錦丁亥二月

校書苦借青藜杖下馬笑拈金屈卮好是淮南師
弟子錢塘相見落花時

雪圖絕句

貌得王維三尺圖姑山無此雪肌膚瓊臺玉榭參
差是只欠芭蕉一兩株

玄覽堂絕句二首

簾櫳低亞小梅枝快雪時晴綠滿池鈴索不搖鸚
鵡睡客來假亦多時

殷勤老去惜年華白書張燈綠幙遮吹徧玉笙天
上曲空將列炬照林雅

汪復心遣姪彥維自歛求詩復心年八十餘

矣

汪倫自愛桃花水張翰祇思蓴菜湖九十山翁莫
相惱題詩元沒得工夫

三香圖

凌波仙子塵生襪空谷佳人玉鍊容不奈天寒風
露早日高猶傍錦裏籠

南真館池上橘花

花攢嘉樹雪鬢髻遮斷青山小朶青報荅風光先
醉去穠香吹過却全醒

仲穆蕙花

空谷幽芳絕代姝紛披翠袖不勝扶金餅芍藥三
千朶合讓光風轉蕙圖

歸自天柱山招樸菴僧

仙人住近餘杭姥得酒携餅上野航
踏雪能來傾一盞風流不減在餘杭

白雲半間

陶隱居別號外兵

白雲住處不曾局割取西偏著外兵
伸脚三條椽下卧任君裘蓋洛陽城

野桃華

野桃無語最含愁若箇林間得放牛
比似落英歸糞草不如流水出香溝

殘梅

皎皎當窓萼綠華滿懷幽恨付而家
春風春雨匆匆去一點殘香啄莫雅

謝僧送柑

肚能繫束三條篋手亦親栽萬顆梨
珠重黃柑三百顆好山多在洞庭西

晚句

白足過橋三峽雪蒼頭吹笛滿林風
狂花也有凌霄意飛上松顛爛熳紅

課山奴竹林采筍鞭煮食

疑有鮮卑奴過此玉鞭拋擲向泥中長鏡爲我入
竹去晚飯筭管也不空

觀友人所藏古墨

雪堂手劑不可得色如點漆黯無光安得一凡歸
我室臨池剩寫十三行

樂府

柳梢青題楊補之墨梅詞

面目冰霜逃禪正派只讓花光怪底徐卿爲渠描
貌縈損柔腸有誰步履長廊更折竹聲中吹細香
酒半醒時雪晴寒夜月上西窓

醉半醒時... 西窓...
 面日水... 五... 只... 對... 翁... 晚... 寒...
 清... 韻... 詩... 人... 題... 詩...
 樂... 賦...

贊

外史自贊畫像

志逸心疲身清命濁逃同類而親猿狙毒厚味而
 羨藜藿學取益而勝其損事知危而姑與之安一
 龍一蛇不厭已之深眇惡衣惡食先憂人之飢寒
 忽然爲人而反常若此若何以祛有身之患

余于句曲外史詩文可謂無竒不探無隱不索
 矣初刻陳節齋手編三卷繼刻閔康侯搜詩九
 十七首文五首又合王凱度康與可輩所寄如

千首為補遺三卷以勝國名公酬贈諸作附焉
將謂登峯造極矣今秋病餘偕馮甥詮次雲林
集外詩復鼓餘興入金陵地肺再探華陽蓬壺
之闕異又得如千首豈即風雷大作鄭栗庵再
造而未得者耶抑玉鈎橋南石室所藏時隨花
天片流出人間耶曾有人過浴鵠灣藥井題詩云
石室秘書愁攝電星池遺劍已成龍思君不見
夜開戶月在金鐘玉几峯令我掩卷憮然隱湖

毛晉識

